



## **Atuarfinni meeqqanik immikkut pisariaqartitsisunut sulialinnut pikkorissaanissamik negeroorut**

Sammissaq: Atuarfinni meeqqat immikkut pisariaqartitsisut  
Piffissami: Sap.ak. 43, ulluni 23.-24.-25. oktobari 2024  
Sumiiffissaq: Pissassarfik, Sisimiut  
Peqataasinnaasut: 20  
Sullinniakkat: Atuarfimmur suliassamut immikkut ilinniarsimasunut  
Qinnuteqarfissaq: **Kingusinnerpaamik 13.09.2024**  
Mailerfissaq: [pissassarfik@nanoq.gl](mailto:pissassarfik@nanoq.gl)  
Pikkorissaaneq: Pikkorissaaneq danskisut ingerlanneqassaaq oqalutseqassallunilu.

---

### **Nassuiaat:**

Meeqqat eqqarsartaatsikkut peqqissuunissaat atugarissaarnerinut peqqissuunissaannullu pingaaruteqarlunartuuvooq. Siorna piffiup ilaani eqqumaffiginiarneqarnerulersimavoq meeqqat inuusuttullu atugarissaarnerat peqqissusaallu. Pingaartumik meeqqat inuusuttullu immikkut pisariaqartitsisut akornanni, atugarissaarneraq peqqinnerlu unammillernartoqarfiusoq takuneqarsinnaammat.

2020 -mi nalunaarussiaq “Kalaallit Nunaanni meeqqanut inuusuttunullu atugarliortunut pitsaanerusumik suliniuteqarnissaq pillugu kalaallit qallunaallu oqartussaasoqarfiisa assigiinngitsunik suliallit akornanni suleqatigiinneq” Naalakkersuisut aamma danskisut naalakkersuisut Kalaallit Nunaanni meeqqat inuusuttullu atugarliortut atugaannik pitsanngorsaaqataasussaapput.

Nalunaarusiami erserpoq, kalaallit meerartai 1/3 -ii (pingajorarterutai) assigiinngitsunik patsiseqartumik atugarliuteqartut.

Pikkorissaanermi uani meeqqat atugarissaarnissaat peqqissusaallu pingaartinnerullugit qaratsap qanoq sunnerneqartarneraniit sananeqaatimikkut, perorsagaanermikkut inooqataanikkullu isigalugit ersarissumik saqqummiunneqassaaq.

Ima paasillugu, meeqqat inuusuttullu atugarissaarnissaat iliuuseqarfigissagutsigu, taava qaratsamut atugarliutit kingunerisinnaasai qitiutillugit, meeqqat imminnut naleqartinneri, nuannaarnerat neriuutaallu tapersersussavagut kiisalu peqqinneq atugarissaarnerullu qaffassarneqarnissaannut avatangiisit qanoq periarfissaqartigippat, tamanna aamma pingaartillugu qiviarneqassaaq.

Pikkorissaanermi aamma tarnip timillu nakorsaattortitaanermi qanoq sunnerneqartarneri iserfigineqassaaq – misigisagut aqutigalugit qanoq tarnitsinnut qaratsamut timinullu sunniuteqartarneri. Soq naarlulertoqartarnerisooq, toqqissisimajunnaarneraq, anersaartornikkut ajornartorsiulernerit, uummammiik kasuttoorneq, sinnarluttarnerlu tamakku pilersartut, qiviassavagut.

Eqqartussavagut qanoq iliornikkut unammillernartut taakku ikiorsersinnaanerigut, kiagulluta, illartarluta pitsaasunillu attuumassuteqarnitsigut.

Aamma ADHD -ip, ineriartornermi attaveqarniarnikkut oqaatsitigullu ajornartorsiuteqarneq (autisme) aamma annilaangasarnerup qaratsamut sunniutigisartagai – taavalu tamakku unammillernartut pillugit tamakkiisumik paaseqatigiinnitsigut, meeqqat immikkut pisariaqartitsisut pitsaanerusumik atugarissaarnerunissaat pillugu ikiorsiinissaq iserfigissavagut.



Immikkut ittumik atugarissaarnerup eqqarsartaatsikkullu peqqissuunerup qaratsamut qanoq sunniuteqartarneri pingaartumik ilikkartarnitsinnut, taannalu piginnaasanik aaliangiisinnaannginneq kiisalu silassorissutsikkut iliuuseqarsinnaaneq pingaartillugit aallunneqassapput.

Pikkorissaaneq teorimik sungiusarnermillu ingerlanneqassaaq, taamaattumik aallussinermi timerput atorlugu pitsaasumillu ataassuteqarutta atuarfimmi qanoq iliorutta meeraq ikiorluarnerusinnaane-ripput eqqartorneqassaaq.

#### Siunertaq:

Pikkorissaarnerup siunertaraa qaratsap qanoq sananeqaatimigut sunnerneqartarneranik, atugarissaarnermi, piginnaasatigut aaliangiisinnannginnermi silassorissutsikkullu iliuuseqarsinnaannginnermi, ilinniartitsisunit sukumiisumik paasisaqarfigineqarnissaat siunertaavoq.

Aamma siunertaavoq ilinniartitsisut angerlaassaqaassasut qaratsap sananeqaataata pissusaalu pillugit paasisaasaqarnerulernissaat kiisalu meeqqanut ilaqutaannullu ikiuinissamut sakkussaqa-lernissaat – massakkut piffissarlu ungasinnerusoq eqqarsaatigalugu.

#### Pikkorissaasoq:

Pernille Thomsen, socialpædiatrisk fysiaterapeut, master i sundhedspædagogik. Piginittuusorlu Pernillefys atuakkiortorlu: “Du skal huske at fodre din søhest”, “Børns mentale sundhed, når nervesystemet er på overarbejde” aamma “Sundhed og trivsel for børn og voksne med udviklingshandicap”.

#### Qinnuteqarnek:

Peqataanissamut qinnuteqarniaraanni kakkiussaq immersorneqassaaq.

#### Angalaneq aningaasartuutillu:

Illoqarfimmit allamit peqataasussat pikkorissarnerup allartiffissaa ullormik sioqqullugu tikissapput, pikkorissarnerlu naammassippat aqaguani aallaqqillutik. Taamaakkaluartoq angalatitsivinnit ullut angallavissat apeqqutaallutik tikiffissat aallarfiissallu allaanerusinnaapput.

Najugarisamiit Sisimiunut uterlugu billetsi, ineqarnek ullaakkorsiornek ilanngullugu ullunilu pikkoris-sarfinni ulloqqeqqasiornek Pissassarfiup isumagissavai.

Malugiuk, billetsit akikinnerit allanngortissinnaanngitsullu atorneqassapput. Taamaammatt billetsinik allannguinnermi taamaatitsinermiluunniit Pissassarfiup angalanermut aningaasartuutai, pikkorissar-tussap sulisitsisuata matussusissavai.

Angalanermi aningaasartuutit ass. taxarnek ullormusiallu Pissassarfimmut attuumassuteqanngillat.

Apeqqtissaqartoqarpat uunga apeqqtigineqassapput:

[pissassarfik@nanoq.gl](mailto:pissassarfik@nanoq.gl) imalt. oqarasuaat. 34 50 70